

回疆通志卷二

賜進士出身總理回疆事務參贊大臣臣和甯撰
哈密回部總傳

哈密回部至京師七千一百八十里東界喀爾喀西界吐魯番南至沙磧北至天山界巴里坤邑十有三曰蘇們哈爾輝曰阿思塔納曰托和齊曰拉卜楚哈曰喀喇都伯曰格子烟墩曰星星碇曰下莫艾曰上莫艾曰塔勒納沁曰半池泉曰柳樹泉曰博囉特口皆哈密屬漢爲伊吾盧地唐宋稱伊州元始稱哈密明如之其地皆纏頭回種今設札薩克領之回人錯居西域以天方爲祖國或城郭處或逐水草徙稱花門種相傳祖瑪哈麻教以事天爲本重殺不食犬豕肉嘗以白布蒙頭故稱曰纏頭回又稱白帽回回人自呼曰帽曰達斯塔爾別有紅帽回輝和爾哈拉回諸族然以纏頭回爲著札薩克居哈密舊城戶十設甲長一別置官兵七百屯哈密新城及塔勒納沁以駐防大臣領之順治四年甘肅巡撫張尙奏哈密衛輝和爾都督及赤金蒙古衛都督永柱等明入貢值寇掠敕印羈肅州今赴臣所乞糧願効忠

天朝

詔納之六年河西逆回丁國棟等煽哈密及吐魯番部掠內地民僞立哈密巴拜汗子土倫泰爲王據肅州叛集纏頭回紅帽回輝和爾哈拉回漢回等數十分置都督大軍討之抵肅州擊斬哈密頭目塔什蘭及纏類漢回四百餘級以雲梯夜薄城奪門入斬土倫泰及纏頭漢回二千餘賊壘垣拒隳之擒丁國棟斬哈密僞都督和卓哈資纏頭回僞都督琥伯峰哈拉回僞都督茂什爾瑪密輝和爾僞都督瑞瑚哩僞左都督帖密卜喇紅帽回僞右都督恩克特默等八年回目克拜至嘉峪關稱哈密使請通貢甘肅提督張勇責盡歸內地民乃可十二年克拜齎葉爾羌表至稱哈密巴拜汗爲葉爾羌阿布都喇汗所禁獻內地民請罪

詔納之康熙十八年張勇謀噶勒丹襲哈密以聞

詔設備邊汛噶勒丹懼不至尋與兄子策妄阿喇布坦修怨策妄阿喇布坦牧博囉塔拉噶勒丹牧阿爾台哈密居其間畏準噶爾威強事之三十二年

遣使博囉塔拉道哈密爲噶勒丹屬所我

上以哈密鄰塞境賊乘虛警或不及備

詔昭武將軍郎坦屯甘肅會軍所擒纏頭回卒以噶勒丹徙科布多三遣使乞糧哈密告郎坦請勦噶勒丹及哈密

遣護軍統領蘇丹等往議尋奏郎坦議大軍屯甘肅噶勒丹必不敢越哈密若聽耕牧久將爲邊患應於年內運糧至嘉峪關來春設站固壘酌留兵哈密以大軍進科布多儻噶勒丹由科布多遁大軍歸哈密取禾平城絕準噶爾所恃產蘇丹等議噶勒丹無定牧大軍趨科布多或不值哈密隸噶勒丹久遽勦之非所以體

回疆通志卷二

二

好生仁請釋回卒歸給糧騎檄所部知

朝廷德意

詔如蘇坦等議三十五年噶勒坦爲大軍敗遁集所私議取糧哈密副都統阿南達設哨布隆吉爾巴里坤塔勒納沁都爾博勒津諸路值哈密達爾濮伯克額貝都拉使奉降表至嘉峪關遣告所部曰噶勒丹若竄爾境其擒獻否則以告儻私給噶勒丹糧騎或助之他適爾降表不足信矣噶勒丹以虐哈密故懼襲己且聞大軍嚴備不果赴三十六年哈密俘噶勒丹子色布騰巴勒珠爾及其屬以獻噶勒丹尋自殺額貝都拉表請

頒敕印

賜旗纛令吐魯番葉爾羌聞之皆知榮矢世保疆圉復以哈密民酌置肅州爲朝覲往來便貢使至肅州令得乘驛入都

上念哈密內附誠

詔以額貝都拉轄之給札薩克

敕印

賜紅纛子郭帕伯克率所部百人屯肅州貢使乘驛額十五人三十七年

遣官赴哈密編旗隊設管旗章京副管旗章京參領領驍騎校各員肅州別設
佐領一復以哈密市甘肅便

詔勿禁三十九年所部偵哈薩克布魯特讐策妄阿喇布坦將興兵爭喀什噶
爾以告

詔不時偵奏而策妄阿喇布坦憾哈密擒獻噶勒丹子故掠其屬赴市吐魯番
者

詔責策妄阿喇布坦罪準噶爾怨哈密甚五十四年遣兵二千襲哈密掠北寨
五抵城我駐防兵二百率回卒奮擊斬九十級擒三人賊退屯城南聞肅州援
至遁

回疆通志卷二

三

頒賜銀萬五千及粟米牛羊贍哈密象有佐領色帕爾者俘獻準噶爾賊以秋
將復襲告

獎賜章服銀幣

諭曰哈密編設佐領無異內地安可置之不問

遣大軍屯巴里坤防禦準噶爾復

詔運糧貯哈密以肅州佐領爲導五十五年富寧安奏哈密屬之布魯爾圖古
哩克接壤地並巴里坤都爾博勒津哈拉烏蘇及西吉木達里圖布隆吉爾附
近之上浦下浦等處地可耕請募兵興屯

上可其奏五十八年奏巴里坤至哈密站舊各設馬準噶爾使及降人至乘巴
里坤站馬至哈密又自哈密札薩克所撥馬送布隆吉爾今歸附者衆馬不給
請於巴里坤站增馬五十哈密站增馬八十從之六十一年議興屯魯番遣哈
密回民助役雍正三年撤大軍還四年王大臣等議駐防哈密兵止五百準噶

爾賊或乘間盜駝馬請撥安西鎮標兵五百往仍留嘉峪關至哈密軍站備不虞

詔如議理藩院奏哈密來朝廩給限四旬參佐領等給緞布有差從之七年大軍復屯巴里坤議墾哈密及塔勒納沁地八年獲麥青稞六千四百石嗣歲給穀種五百石秋納糧四千石每石給銀一兩九年寧遠大將軍岳鍾琪諜哈密屬漏師準噶爾且導掠巴里坤駝馬以告

諭曰哈密雖不可信然亦當諒其苦情久遭準噶爾凌虐恨之入骨畏之如虎或偶通信於賊不過爲將來自全計我軍固不可不加意隄防然亦不可使有疑懼心大軍力能庇護哈密自不爲賊所用矣十年噶勒丹策凌遣將色布騰車凌納木札勒等由烏克克嶺西喇呼魯蘇分兵襲哈密及塔勒納沁回衆拒之乞援岳鍾琪軍鍾琪檄總兵曹勳趨輝魯圖達巴罕五堡復慮賊由摩垓圖圖爾庫竄北山檄副將軍石雲倬設伏巴罕溫度爾署鎮海將軍卓鼐設伏察罕春集副將軍常賚赴烏克克嶺截賊竄路曹勳軍抵二堡遇賊五千餘奮擊之賊由烏克克嶺越塔呼納呼遁

諭曰哈密被賊侵擾回民并力抵禦甚屬可嘉聞其城外牧放牲畜一時不及收回者被賊盜去雖據報賊遁後仍將牲畜奪回但恐遺失倒斃已多朕心深爲軫念其遺失牲畜之頭目回民等著賞銀萬兩守城禦賊者著賞銀五千兩按名分給其擒獲賊人者優加賞賚務令均沾恩澤十一年護理寧遠大將軍印務張廣泗奏吐魯番回民內徙請置塔喇納沁地

諭曰塔勒納沁無屋居回民何以棲身朕思哈密地煖城外五堡等處爲哈密回民舊駐地若將吐魯番回民暫行安置過冬令哈密札薩克轉飭本地回民就近照視似爲有益哈密回民果能使之所得朕必將札薩及克回民等優加重賞尋議徙吐魯番回民置瓜州十二年所部獻可耕地之錯軍營屯田者上以哈密皆國土且爲纏頭回族世耕地不忍別置民人而其地錯官田不便

兵民互耕

詔別給地畝銀兩及牛具穀種償之十三年徹大軍還王大臣等議設駐防哈密及巴里坤兵各二千陝西總督查郎阿奏哈密巴里坤路隔南山大坂兩地各留兵二千聲息難驟通請簡兵三千屯哈密西三堡沙棗泉東北塔勒納沁並有城堡各屯兵千又哈密地熱不便牧馬請令每年播種後酌遣哈密兵千沙棗泉塔勒納沁兵各五百放牧昭莫多呼齊爾台沙子山鹿心山等處設汛烏爾圖哈達伊克溫都爾鄂什希地防牧廠俟秋徹還又哈密南山大坂爲北路屏藩應分兵二百屯盤道設汛鹿心山松樹塘烏蘭特爾木斯畢柳大坂等處烏克克嶺爲三堡沙棗泉要隘應分兵二百屯烏克克嶺上堡設汛索大堡白楊溝羊堡錫喇諾爾等處塔勒納沁河源爲塔勒納沁小口應分兵二百屯河源小堡設汛莫艾舒魯遜大坂等處別簡兵五千屯赤金靖逆柳溝布隆吉爾橋灣五處設汛馬蓮井子東星星硤西互爲守望從之乾隆元年

回疆通志卷二

五

詔來年免納糧給種地回民銀萬兩六年大學士查郎阿奏哈密駐防兵請屯塔勒納沁賽巴什達哩雅三堡各三百哈密城千二百

詔允之七年署川陝總督馬蘭泰奏塔勒納沁非衝地三堡爲哈密要隘通準噶爾居五堡中請撤塔勒納沁兵三百歸三堡從之十一年安西提督李繩武奏哈密三堡西南錫喇諾爾通魯克沁及闢展路舊設汛以乏水草議撤準噶爾或潛越其地請仍設汛兵守望又巴達什地爲哈密札薩克牧廠西北二十餘里爲畢柳大坂路通喀喇沙爾請設汛令烏拉台巴達什聲息相通
詔廷議奏錫喇諾爾汛設官兵二回兵三畢柳大坂汛設官兵三回兵二從之十三年以安置肅州金塔寺之吐魯番回衆告饑

諭曰肅州金塔寺安置吐魯番回人有不服水土至生計艱窘者百餘戶經大臣等議奏請徙哈密令種地居此項回衆向被準噶爾凌虐願徙入內地迄今二十餘年因水土異宜積蓄者少窘迫者多若將伊等徙於他處究恐生計有

損吐魯番雖部落多殊其教則一情性相宜且哈密貝子玉素卜自伊曾祖額貝都拉達爾漢伯克以來數世受國恩澤竭誠報効奮勉急公教養所屬之人亦甚妥協現在哈密地方尙有可耕餘地著將安置金塔寺回衆交貝子玉素卜併入伊所屬旂分佐領加意撫恤合新舊回衆和睦如一給地耕種俾永久不致失所卽以此諭札薩克貝子玉素卜知之十八年

諭曰哈密所屬賽巴什達哩雅等處屯田前給回人耕種所交穀石以四分交官六分給與回人今聞伊等生計稍艱著加恩將每年所穫穀石全行賞給不必交官二十年所部兵百從西路軍征達瓦齊伊犁定撤歸二十一年

諭曰哈密生齒日繁準噶爾全部底定哈密屬色德都摩垓圖古哩克地不必復設汛哨其仍給回民爲世業二十四年議撤駐防兵二千以靖逆衛兵二百瓜州兵三百移置哈密黃墩營兵二百移置塔勒納沁隸哈密副將轄所部旗一爵如之爲郡王品級札薩克多羅貝勒由一等達爾漢晉襲

回疆通志卷二

六

額貝都拉列傳

額貝都拉哈密回部人初號達爾漢伯克隸準噶爾康熙三十二年遣理藩院員外郎馬迪等

頒賚策妄阿喇布坦道哈密有叛賊罕都羅卜藏額琳沁者自準噶爾來降尋叛竄偕噶勒丹屬圖克齊哈什哈哈爾海達顏額爾克等以兵五百戕馬迪掠駝馬遁貝都拉聞之給從迪者糧騎護歸嘉峪關

上以罪在噶勒丹

詔勿問哈密三十五年額貝都拉遣納林伯克貢駝馬表曰臣白帽族貢中國久

天使至臣所噶勒丹以兵戕臣不能護脫恐不睦臣者謂與逆謀

上卽天也違天者必受殃厄魯特數徙牧或肆掠已輒竄臣城郭居焉敢爲逆噶勒丹旣爲大軍所敗

諭哈密勿數逆額貝都拉遣使納林伯克奏偵噶勒丹至當擒獻
上嘉其恭順

賜章服貂冠金帶而是時噶勒丹遣圖克齊哈什哈達什哩鄂摩克圖哈什哈
等貸糧哈密復齋書通問僧克拉什呼圖克圖曼殊呼圖克圖和碩齊台吉博
貝等乞援族台吉袞占妻諾觀達拉遣達爾漢宰桑挈屬從噶勒丹復令其乳
母子丹津札卜俄羅岱達爾札及子色布騰巴勒珠爾乳母子父輝特和碩齊
從色布騰巴勒珠爾獵巴里坤額貝都拉遣長子郭帕伯克以兵三百擒之明
年遣次子白奇伯克械獻表曰臣擒噶勒丹子及其屬厄魯特必讐臣哈密厄
具懼請

諭令勿虐臣

詔策妄阿喇布坦及青海和碩特台吉等勿擾哈密

賜額貝都拉及郭帕伯克章服銀幣白奇伯克如之從者給白金文綺有差時

回疆通志卷二

七

副都統阿南達設哨嘉峪關外額貝都拉告曰哈密地小而貧厄魯特竄至者
衆力不獲養欲獻軍馬復多瘠請驅令出境阿南達語曰爾當體

聖天子好生仁善養之軍事葳俟

詔行而策妄阿喇布坦數遣使哈密索噶勒丹子檄以所收厄魯特歸吐魯番
且詰哈密內附故額貝都拉語曰我誠附

天朝非迫而然也策妄阿喇布坦憾之拘其使額貝都拉亟遣告曰策妄阿喇
布坦將復索所收厄魯特不給將興戎

詔已賜檄勿懼索者至勿擅給未幾噶勒丹自殺其族子丹濟拉携噶勒丹骸
走哈密掠畜遁濟木薩額貝都拉以告

遣使往招降丹濟拉懼策妄阿喇布坦阻馳奔哈密額貝都拉迎入城給糧騎

遣郭帕伯克護至

詔以額貝都拉爲一等札薩克仍達爾漢號

賜敕印及銀幣以郭帕伯克爲二等伯克協理旗務白奇伯克如郭帕伯克職四十八年卒子郭帕伯克襲

一次襲郭帕伯克額貝都拉長子康熙四十八年襲札薩克一等達爾漢五十年卒子額敏襲

二次襲額敏郭帕伯克長子康熙五十年襲札薩克一等達爾漢五十四年準噶爾襲哈密敗之大軍屯巴里坤額敏復墾塔勒納沁田歲輸青稞助雍正五年

諭曰額敏自軍興以來輸忱効力率所部人等屯耕助軍甚屬可嘉著晉封鎮國公七年來朝晉封固山貝子

優賚遣歸十年準噶爾兵復襲哈密額敏簡健卒設伏城外禦之馳乞援大軍至賊遁乾隆元年額敏奏興師來哈密歲納屯糧計二萬七千五百石已支用萬八千餘石今巴里坤軍撤請屯耕如故

回疆通志卷二

八

詔賜幣嗣免納糧五年卒子玉素卜降襲鎮國公

三次襲玉素卜額敏長子乾隆五年襲札薩克鎮國公十年晉封固山貝子十一年議設汛賜喇諾爾及畢柳大坂玉素卜請供官馬芻茭簡卒助守

允之二十一年吐魯番莽噶里克叛子白和卓入

覲旋抵哈密玉素卜偕副將祖雲龍議擒之達書吐魯番札薩克輔國公額敏和卓令決剿賊計

獎賜幣復

詔簡所部兵三百援吐魯番尋莽噶里克亂定二十三年奏請以兵百從大軍征逆回布喇尼敦霍集占

諭曰玉素卜係回部望族今聞辦理葉爾羌喀什噶爾等回部情願率兵効力深可嘉獎著照所請同雅爾哈善額敏和卓前往所有應得分例照蒙古貝子例給賞回兵照綠旗兵丁例賞給果能奮勉剿賊朕將格外施恩

詔授領隊大臣會靖逆將軍雅爾哈善奏俟取庫車烏什阿克蘇等城以從軍之庫車伯克鄂對等駐其地

諭曰回人性情雖不同厄魯特而近年與厄魯特雜處不免漸染習氣未可深信取庫車等城後伯克鄂對等亦不當專令看守其聽玉素卜節制夏大軍圍庫車逆黨阿卜都克勒木自阿克蘇來援擊之敗遁

頒賜

御用佩節霍集占尋攜賊五千餘援庫車復爲大軍所敗

賜幣

詔敘績秩七月賽哩木沙雅爾回人乞降玉素卜撫其衆攜徙軍營近地願留者以戶籍獻八月克庫車雅爾哈善令玉素卜駐其地阿克蘇降定邊將軍兆惠檄玉素卜駐阿克蘇尋烏什降復檄駐烏什大軍抵葉爾羌賊抗諸喀喇烏蘇時駐烏什兵僅二百五十餘玉素卜檄阿克蘇兵五百赴烏什防變復謀徵

回疆通志卷二

九

布魯特兵攻喀什噶爾分葉爾羌賊勢聞烏魯特特穆爾居烏什爲布魯特屬召給糧馬茶幣令侍衛布占泰攜往烏魯特等欣就道

諭曰玉素卜辦理軍營駐守烏什俱能悉心奮勉甚屬可嘉著加恩賜給貝勒品級復以輸駝馬助阿克蘇援喀喇烏蘇兵

詔如值給二十四年布拉尼敦霍集占竄巴達克山

詔俟大功成簡玉素卜偕額敏和卓分守葉爾羌喀什噶爾宥倚任復以報効志誠

諭晉封多羅貝勒巴達克山尋獻霍集占首

諭曰玉素卜雖不與將軍大臣等同在軍壘但駐劄烏什辦理諸事亦極奮勉著加恩賞給郡王品級尋

詔入覲伯克等四十四人以玉素卜偕貝勒霍集斯領之二十五年春至京召謁於正大光明殿

賜章服行飲至禮於豐澤園

賚銀幣復以烏什爲回部要地

詔玉素卜弟阿卜都拉任烏什阿奇木伯克二十六年議塔勒納沁居屯田兵興版築玉素卜請助役不受工值

獎賚幣及佩飾復

諭優給口糧示恤冬十月

諭曰前因額敏和卓玉素卜皆回部舊人若令伊等更替駐劄辦事於新疆有益去年玉素卜來京曾諭令在哈密休息年餘今額敏和卓當還吐魯番休息以玉素卜往代玉素卜著卽整裝候此次入覲回人等至哈密時卽同護送之乾清門侍衛等帶領前往著授參贊大臣應得公項照例支給伊子伊勒巴喇伊木看守游牧著加恩賞戴孔雀翎二十八年玉素卜就道額敏和卓以遣使巴達克山索布拉呢敦尸及其孥仍留葉爾羌

回疆通志卷二

詔玉素卜暫理阿克蘇務冬巴達克山事竣玉素卜往代三十年烏什逆回賚哈木圖拉等糾衆叛副都統素誠偕阿卜都拉遣呢雅斯走阿克蘇告變素誠尋自殺

詔伊犁將軍明瑞往勦會阿克蘇伊什幹伯克薩里弟額伊敏自烏什脫出告阿卜都拉遣屯田兵赴伊犁不給糧畜且科瘠羊四百徵回人銀被賊擒禁復納女賚哈木圖拉爲免死計阿克蘇辦事副都統弁塔海以聞

諭曰阿卜都拉被回人拘禁朕尙以阿卜都拉係玉素卜之弟必不肯屈節今觀伊平日縱容所屬侵蝕回人銀兩又納女於賚哈木圖拉希圖臨難苟免此與叛逆何異豈可以其爲玉素卜之弟遂從寬貸著明瑞至烏什日務將此等情節查訊明確若果所傳不妄非獨逆回等當族誅示懲卽阿卜都拉亦宜明正典刑玉素卜奏臣弟阿卜都拉擾回衆致憤事臣素失訓請議罪

諭曰阿卜都拉以阿奇木克縱所屬人等滋擾激變罪由自取與玉素卜無涉

着加恩免其議處時阿卜都拉被賊擒賚哈木圖拉奪其女將納之逆妻有怨言乃止因戕阿卜都拉復禁其女及子大軍既定烏什明瑞訊賊黨得情疏聞

詔釋阿卜都拉孥歸哈密三十一年玉素卜遵

旨自葉爾羌歸奏哈密生齒日繁請遣戶五百屯伊犁以次子伊薩克護往

允之伊薩克自伊犁歸

詔授二等台吉玉素卜尋攜長子伊勒巴喇伊木入

覲中道皆疾卒以伊薩克襲

四次襲伊薩克玉素卜次子乾隆三十二年襲郡王品級札薩克多羅貝勒三十六年入

覲

賜三眼孔雀翎黃馬褂

命乾清門行走三十八年

詔授領隊大臣赴伊犁轄屯田回民四十一年

諭歸哈密四十五年卒子額爾德錫爾襲

五次襲額爾德錫爾伊薩克長子乾隆四十五年襲郡王品級札薩克多羅貝

勒五十三年

諭曰哈密吐魯番二部皆國家世僕其餘各城回人雖經朕平定新疆時歸降但効力幾三十年奮勉急公是以分別施恩賞給王貝勒貝子公台吉等封爵乾隆四十八年該院照例查明伊等封爵或定世襲罔替或定爲出缺後降等承襲雖係照例辦理但伊等來歸年久共感朕恩各勤職業卽如哈密郡王品級貝勒額爾德錫爾之始祖額貝都拉歸誠以來已歷數世額爾德錫爾之祖玉素卜在軍營勤勞懋著貝子鄂斯璫之父鄂對在軍營奮免封授貝勒品級因罪削爵後鄂斯璫仍諸事抒誠効力復封貝子色提卜阿勒氏先在軍營奮

勉又在阿奇木伯克任內數年留心辦事公伊勒巴喇伊木一等台吉鄂囉木咱卜二等台吉巴巴阿布勒丕爾敦三等台吉阿卜都呢咱爾帕爾薩伊等封爵或因軍前効力封授或因伊祖父功績賞給若照院議於出缺後降等承襲日久遞降殊非朕久遠撫恤回衆之至意今施恩將議定降等承襲之額爾德錫爾色提卜阿勒氏鄂斯璠伊勒巴喇伊木鄂囉木咱卜巴巴阿布勒丕爾敦阿卜都呢咱爾帕爾薩等十人現襲之王貝子公台吉等封爵出缺時不必降等承襲俱着世襲罔替以示朕優恤回僕之至意併交該院行文各回城大臣將朕此旨通行曉諭衆回人等交相欣慶五十五年七月奉

旨賜雙眼翎黃馬褂